



Rujukan Kami : APMM UKK 100-2/1 Jld.13 ( 4 )  
Tarikh : 4 Januari 2022

## KENYATAAN MEDIA

### KAPAL HANTU ANCAM KESELAMATAN PELANTAR MINYAK

**PUTRAJAYA, 4 Januari** - Agensi Penguatankuasaan Maritim Malaysia (Maritim Malaysia) menerima laporan daripada syarikat perkапalan Indonesia berkenaan kapal LIMIN ROSMINA, milikan syarikat telah terputus tali tunda semasa menunda kapal WINPOSH RAMPART tanpa kru, 72 meter panjang dengan berat 2588 'Gross Tonnage' yang dalam perjalanan dari Matak, Indonesia menuju ke Yang Pu, China di kedudukan kira-kira 120 batu nautika dari Kuala Terengganu, semalam.

Kejadian berlaku sekitar jam 3.15 petang, di mana kedua-dua kapal terbabit berada di dalam perairan Vietnam dan telah terputus tali tunda berikut cuaca buruk lalu hanyut hingga memasuki perairan Malaysia.

Analisis penilaian risiko mendapati, kapal WINPOSH RAMPART berpotensi melanggar pelantar minyak Telok A milik PETRONAS dan boleh mengakibatkan pelantar minyak tersebut meletup serta melibatkan kemalangan nyawa sekiranya tiada bantuan awal diberikan bagi menanganinya.

Berikutan itu, Maritim Malaysia telah mengkoordinasi bantuan bersama PETRONAS untuk menunda kapal WINPOSH RAMPART ke lokasi yang lebih selamat.

Pasukan Tindakan Khas (PTK) Maritim Malaysia juga telah diatur gerak bersama pesawat AW139 bagi menganalisis situasi dan mengenal pasti kaedah bagi mengelakkan kapal daripada terus hanyut dan risiko kebarangkalian melanggar pelantar.

Aset yang terlibat bagi operasi ini adalah Kapal Maritim (KM) JUJUR dan Pesawat AW139 bersama enam anggota PTK telah bergerak ke lokasi kapal tersebut hanyut untuk memberi bantuan. Manakala PETRONAS turut menghantar kapal ICON LOTUS dan SK PILOT pada jam sekitar 10.00 pagi tadi bagi memantau serta membantu operasi tersebut.

**LAKSAMANA MARITIM DATO' MOHD ZUBIL BIN MAT SOM  
KETUA PENGARAH  
AGENSI PENGUATKUASAAN MARITIM MALAYSIA**

**-TAMAT-**

---

Sebarang pertanyaan, sila hubungi;  
Encik Azhar bin Hj Ismail  
Tel: 019-3448744  
Emel: [azharismail@mmea.gov.my](mailto:azharismail@mmea.gov.my)

Cik Iklil Fatihah binti Kamal Redzuan  
Tel: 019-7107479  
Emel: [fatihah@mmea.gov.my](mailto:fatihah@mmea.gov.my)